

简体字本二十六史

宋史



● 吉林人民出版社

宋史卷八六

志第三九

地理二

河北路 河东路

河北路。旧分东西两路，后并为一。熙宁六年，再分为两路。

东路。府三：大名，开德，河间，州十一：沧，冀，博，棣，莫，雄，霸，德，滨，恩，清。军五：德清，保顺，永静，信安，保定。县五十七。

大名府，魏郡。庆历二年，建为北京。八年，始置大名府路安抚使，统北京、澶怀卫德博滨棣、通利保顺军。熙宁以来并因之，六年，分属河北东路。崇宁户一十五万五千二百五十三，口五十六万八千九百七十六。贡花绢、绵绢、平绢、紫草。县十二：元城，赤。熙宁六年，省大名县为镇入焉。莘，畿。大名，次赤。熙宁六年，省入元城。绍圣三年复。政和六年，徙治南乐镇。内黄，畿。成安，畿。熙宁六年，省洹水县为镇入焉。魏，次畿。馆陶，畿。熙宁五年，省永济县为镇入焉，寻复旧。临清，次畿。夏津，畿。清平，畿。宋初，自博州来隶。熙宁二年，又割博平县明灵寨隶焉，本县移置明灵。冠氏，畿。宗城，畿。熙宁五年，省临清县为镇入焉。当年复旧，寻以永济隶临清。熙宁六年，又省经城县为镇入焉。

开德府，上，澶渊郡，镇宁军节度。本澶州。崇宁四年，建为北辅。五年，升为府。宣和二年，罢辅郡，仍隶河北东路。崇宁户三万一千八百七十八，口八万二千八百二十六。贡蓂莢席、南粉。县七：

濮阳，中。观城，望。皇祐元年，省入濮阳、顿丘。四年，复置。临河，紧。清丰，中。庆历四年，徙清丰县治德清军，即县置军使，隶州。熙宁六年，省顿丘县入清丰。卫南，中。朝城，畿。旧隶大名府崇宁四年，与南乐来隶。南乐，畿。德清军。见上。

沧州，上，景城郡，横海军节度。崇宁户六万五千八百五十二，口一十一万八千二百一十八。贡大绢、大柳箱。县五：清池，望。熙宁四年，省饶安县为镇入清池。有乾符、巷姑、三女、泥姑、小南河五寨。政和三年，改巷姑曰海清，三女曰三河，泥姑曰河平。无棣，望。治平中，徙无棣县治保顺军，即县治置军使，隶州。盐山，紧。乐陵，紧。熙宁二年徙治咸平镇。南皮，中。熙宁六年，省临津县入焉。

保顺军。周置军于沧州无棣县南二十里。开宝三年，又以沧、隶二州界保顺、吴桥二镇之地益焉，仍隶沧州。

冀州，上，信都郡，旧团练。庆历八年，升安武军节度。崇宁户六万六千二百四十四，口一十万一千三十。贡绢。县六：信都，望。修，上。南宫，上。皇祐四年，升新河镇为县，废南宫。六年，省新河为镇入焉。枣强，上。熙宁元年，省为镇入信都。十年，复置。武邑，上。衡水，中。

河间府，上，河间郡，瀛海军节度。至道三年，以高阳隶顺安军。旧名关南，太平兴国元年，改名高阳关。庆历八年，始置高阳关路安抚使，统瀛莫雄贝冀沧、永静保定乾宁信安一十州军。本瀛州，防御。大观二年升为府，赐军额。崇宁户三万一千九百三十，口六万二百六。贡绢。县三：河间，望。雍熙中即县西置平虏寨，景德二年改为肃宁城。乐寿，望。至道三年，自深州来隶。熙宁六年，省景城为镇入焉。束城，上。熙宁六年，省为镇入河间，元祐元年复。

博州，上，博平郡，防御。淳化三年，河决，移治于孝武渡西。崇宁户四万六千四百九十二，口九万一千三百二十三。贡平绢。县四：聊城，望。高唐，望。堂邑，望。博平，紧。熙宁二年，割明灵寨隶北京清平。

棣州，上，乐安郡，防御。建隆二年，升为团练，俄为防御。大中祥符八年，移治阳信县界八方寺。崇宁户三万九千一百三十七，口

五万七千二百三十四。贡绢。县三：厌次，上。商河，中。阳信。下。

莫州，上，文安郡，防御。熙宁六年，省长丰县为镇，又省莫县入任丘。元祐二年，复莫县，寻又罢为镇。崇宁户一万四千五百六十，口三万一千九百九十二。贡绵。县一：任丘。上。有马村王家二寨。政和三年，改马村寨曰定安，王家寨曰定平。

雄州，中，防御。本唐涿州瓦桥关。政和三年赐郡名曰易阳。崇宁户一万三千一十三，口五万二千九百六十七。贡绸。县二：归信，中。有张家、木场、三桥、双柳、大渦、七姑垣、红城、新垣八寨。容城。中。建隆四年复置。

霸州，中防御。本唐幽州永清县地，后置益津关。周置霸州，以莫之文安、瀛州之大城来属。政和三年，赐郡名曰永清。崇宁户一万五千九百一十八，口二万一千五百一十六。贡绢。县二：文安，上。景祐二年，废永清县入焉。有刘家渦、刁鱼、莫金口、阿翁、雁头；黎阳、喜渦、鹿角八寨。元丰四年，割鹿角寨隶信安军。政和三年，改刘家渦曰安平，阿翁曰仁孝，雁头曰和宁，喜渦曰喜安。大城。上。

德州，上，平原郡，军事。宋初，省归化县。景祐二年，废安陵县入将陵，后割属永静军。熙宁六年，省德平县为镇，入安德。崇宁户四万四千五百九十一，口八万二千二十五。贡绢。县二：安德，望。平原。紧。

滨州，上，军事。大观二年，赐渤海郡名。大中祥符五年，废蒲台县。崇宁户四万九千九百九十一，口一十一万四千九百八十四。贡绢。县二：渤海，望。招安。上。庆历二年，升招安镇为县。熙宁六年，省为镇入渤海。元丰二年复为县。

恩州，下，清河郡，军事。唐贝州，晋永清军度节，周为防御。宋初，复为节度。庆历八年，改州名，罢节度。崇宁户五万一千三百四十二，口八万五千九百八十六。贡绢、白毡。县三：清河，望。端拱元年，徙治永宁镇。淳化五年徙今治。熙宁四年，省清阳县入焉。武城，望。历亭。紧。至和元年，废津南县入焉。

永静军，同下州。唐景州。太平兴国六年，以军直属京。淳化

元年，以冀州阜城来属。景德元年，改军名。崇宁户三万四千一百九十三，口三万九千二十二。贡簟、绢。县三：东光，紧。将陵。望。景祐元年，移治于长河镇。阜城。中。嘉祐八年省为镇入东光。熙宁十年复为县。

清州，下，本乾宁军。幽州芦台军之地，晋陷契丹。周平三关，置永安县，属沧州。太平兴国七年置军，改县曰乾宁，隶焉。大观二年，升为州。政和三年，赐郡名曰乾宁。崇宁户六千六百一十九，口一万二千七十八。贡绢。县一：乾宁。熙宁六年省为镇。元符二年复。崇宁三年再省。政和五年又复，寨六。钓台、独流北、独流东、当城、沙涡、百万。

信安军，同下州。太平兴国六年，以霸州淤口寨建破虏军。景德二年，改为信安。崇宁户七百一十五，口一千四百三十七。贡绢，寨七。周河、刁鱼、田家、狼城、佛圣涡、鹿角、李详。元丰四年，霸州鹿角寨始隶军。

保定军，同下州。太平兴国六年，以涿州新镇建平戎军。景德元年，改为保定军。景祐元年，析霸州文安、大城二县五百户隶军。宣和七年，废保定军为保定县，隶莫州。知县事仍兼军使，寻依旧。崇宁户一千二十九，口二千四百八十四。贡缣。寨二。桃花、父母。政和三年，改父母寨曰安宁。

西路。府四：真定，中山，信德，庆源。州九：相，浚，怀，卫，洺，深，磁，祁，保。军六：天威，北平，安肃，永宁，广信，顺安。县六十五。

真定府，次府，常山郡，唐成德军节度。本镇州，汉以赵州之元氏、栾城二县来属。开宝六年，废九门、石邑二县。端拱初，以鼓城隶祁州。淳化九年，以束鹿隶深州。庆历八年，初置真定府安抚使，统真定府、磁相邢赵洺六州。崇宁户九万二千三百五十三，口一十六万三千一百九十七。贡罗。县九：真定，次赤。藁城，次畿。栾城，次畿。元氏，次畿。井陘，次畿。熙宁六年，省入获鹿、平山。八年复置，徙治天武军，即县治置军使，隶府。有天威军、小作口、王家谷三寨。获鹿，次畿。

平山，次畿。有甘泉、岚州、沂州、擅明、夫妇、柏岭、黄冈、烘山、赤箭、抱儿、石虎、中子、雕棋、东临山、西临山十五寨。行唐，次畿。灵寿，次畿。熙宁六年，省为镇入行唐。八年复。有赤陞、飞吴二寨。寨一：北寨。咸平二年置。熙宁八年，析行唐县二乡隶寨。天威军。见上。

相州，望，邺郡，彰德军节度。崇宁户三万六千三百四十，口七万一千六百三十五。贡暗花牡丹花纱、知母、胡粉、绢。县四：安阳，紧。熙宁五年，省永和县入焉。汤阴，紧。宣和二年，以汤阴县隶浚州，寻复隶。临漳，紧。熙宁五年，省鄧县入焉。林虑，中。

中山府，次府，博陵郡。建隆元年，以易北平并来属。太平兴国初，改定武军节度。本定州。庆历八年，始置定州路安抚使，统定保深祁、广信、安肃、顺安、永宁八州。政和三年，升为府，改赐郡名曰中山。崇宁户六万五千九百三十五，口一十八万六千三百五。贡罗、大花绫。县七：安喜，紧。无极，紧。曲阳，上，唐，上。望都，中。新乐，中。北平。中下。寨一：军城。隶曲阳县。北平军。庆历二年，以北平寨建军。四年复隶州，即北平县治置军使，隶州。

信德府，次府，钜鹿郡。后唐安国军节度。本邢州。宣和元年，升为府。崇宁户五万三千六百一十三，口九万五千五百五十二。贡绢、白磁盏、解玉砂。县八：邢台，上。宣和二年，改龙冈县为邢台。沙河，上。任，中。尧山，中。平乡，上。熙宁六年，省平乡县为镇入钜鹿。元祐元年复。内丘，上。熙宁六年，省尧山县入焉，元祐元年复。南和，中。熙宁五年，省任县为镇入焉，元祐元年复。钜鹿。上。

浚州，平川军节度。本通利军。端拱元年。以滑州黎阳县为军。天圣元年，改通利为安利。四年，以卫州卫县隶军。熙宁三年废为县，隶卫州。元祐元年复为军。政和五年升为州，号浚川军节度，改今额。崇宁户三千一百七十六，口三千二百二。县二：卫，上。熙宁六年，废为镇入黎阳。后复。黎阳。中。

怀州，雄，河内郡，防御。建隆元年，升为团练，俄为防御。崇宁户三万二千三百一十一，口八万八千一百八十五。贡牛膝、皂角。县三：河内，紧。熙宁六年，省武德县为镇入焉。修武，上。熙宁六年，省为镇

入武陟。元祐元年复，武陟。中。

卫州，望，汲郡，防御。崇宁户二万三千二百四，口四万六千三百六十五。贡绢、绵。县四：汲，中。新乡，紧。熙宁六年废为镇入汲。元祐二年复。获嘉，上。天圣四年，自怀州来隶。共城。中。监一：黎阳。熙宁七年置，铸铜钱。

洺州，望，广平郡，建隆元年，千为防御。熙宁三年，省曲周县为镇，入鸡泽。六年，省临洺县为镇，入永年。元祐二年，曲周、临洺复为县，寻复为镇。四年，曲周、鸡泽依旧别为两县，崇宁户三万八千八百一十七，口七万三千六百。贡绸。县五：永年，上。肥乡，望。平恩，紧。鸡泽，中。曲周。中。

深州，望，饶阳郡，防御。雍熙四年，废陆泽县。崇宁户三万八千三十六，口八万三千七百一十，贡绢。县五：望。本汉下博县，周置静安军，以县隶，俄复焉。太平兴国七年，又隶静安军。雍熙二年军废，还属，三年废，四年复置改今名。束鹿，望。淳化中，自真定来属。安平，望。饶阳，望。武强。望。

磁州，上，潞阳郡，团练。旧名慈，政和三年改作磁。崇宁户三万六千四百九十一，口九万六千九百二十二。贡磁石。县三：潞阳，上。熙宁六年，省昭德县为镇入焉。邯郸，上。武安。上。有固镇、永安、黄泽、梅回四寨。

祁州，中，蒲阴郡，团练。端拱初，以镇州鼓城来属。景德元年，移治于定州蒲阴，以无极隶定。熙宁六年，省深泽县为镇，入鼓城。元祐元年复。崇宁户二万四千四百八十四，口四万九千九百七十五。贡花绫。县三：蒲阴，望。鼓城，紧。深泽。中。

庆源府，望，赵郡，庆源军节度。本赵州，军事。大观三年，升为大藩。崇宁四年，赐军额。宣和元年，升为府。崇宁户三万四千一百四十一，口六万一百三十七。贡绢、绵。县七：平棘，望。宁晋，望。临城，上。唐县。熙宁六年，省隆平县为镇入焉，元祐元年复。高邑，中。熙宁五年，省柏乡、赞皇二县为镇入焉，元祐元年皆复。隆平，中。柏乡，中。赞皇。下。

保州，下，军事。本莫州清苑县。建隆初，置保塞军。太平兴国六年，建为州。政和三年，赐郡名曰清苑。崇宁户二万七千四百五十六，口二十三万二百三十四。贡绢。县一：保塞。望。太平兴国六年，析易州满城之南境入焉。

安肃军，同下州。本易州遂城县。太平兴国六年，建为静戎军，析易州遂城三乡置静戎县隶焉。景德元年并县改安肃军。宣和七年，废军为安肃县。知县事仍兼军使，寻依旧。崇宁户七千一百九十七，口一万四千七百五十一。贡素纁。县一：安肃。中。

永宁军，同下州。雍熙四年，以定州博野县建宁边军。景德元年，改永宁军。宣和七年，废为博野县。知县事仍兼军使，寻依旧。县一：博野。望。

广信军，同下州。太平兴国六年，改易州遂城县为威勇军。景德元年，改广信军。崇宁户四千四百四十五，口八千七百三十八。贡绸、栗。县一：遂城。中。

顺安军，同下州。本瀛州高阳关寨。太平兴国七年，置唐兴寨。淳化三年，建为顺安军。至道三年，以瀛州高阳来属。熙宁六年，省高阳县为镇。十年，复为县。崇宁户八千六百五，口一万六千五百七十八。贡绢。县一：高阳。中。

河北路，盖《禹贡》兖、冀、青三州之域，而冀、兖为多。当毕、昴、室、东壁、尾、箕之分。南滨大河，北际幽、朔，东濒海，西压上党。茧丝、织紵之所出。人性质厚少文，多专经术，大率气勇尚义，号为强伎。土平而近边，习尚战斗。有河漕以实边用，商贾贸迁，刍粟峙积。宋初募置乡义，大修战备，为三关，置方田以资军廩。契丹数来侵扰，人多去本，及荐修戎好，益开互市，而流庸复来归矣。大名、澶渊、安阳、临洺、汲郡之地，颇杂斥卤，宜于畜牧。浮阳际海，多鬻盐之利。其控带北地，镇、魏、中山皆为雄镇云。

河东路。府三：太原，隆德，平阳。州十四：绛，泽，代，忻，汾，辽，

宪，岚，石，隰，慈，麟，府，丰。军八：庆祚，威胜，平定，岢岚，宁化，火山，保德，晋宁。县八十一。

太原府，太原郡，河东节度。太平兴国四年，平刘继元，降为紧州，军事，毁其城，移治于榆次县。又废太原县，以平定、东平二县属平定军，交城属大通监。七年，移治唐明监。旧领河东路经略、安抚使。元丰为次府，大观元年升大都督府。崇宁户一十五万五千二百六十三，口一百二十四万一千七百六十八。贡大铜鉴、甘草、人参、矾石。县十：阳曲，次赤。有百井、阳兴二寨。太谷，次畿。榆次，次畿。寿阳，次畿。盂，次畿。交城，次畿。开宝元年，自大通监来隶。文水，次畿。祁，次畿。清源，次畿。平晋。中。熙宁三年，废入阳曲。政和五年复。监二：大通，永利。

隆德府，大都督府，上党郡，昭义军节度。太平兴国初，改昭德。旧领河东路兵马钤辖，兼提举泽晋绛州、威胜军屯驻泊本城兵马巡检事。本潞州。建中靖国元年，改为军。崇宁三年，升为府，仍还昭德旧节。崇宁户五万二千九百九十七，口一十三万三千一百四十六。贡人参、蜜、墨。县八：上党，望。屯留，上。襄垣，上。潞城，上。壶关，中。长子，中。涉，中。黎城，中。天圣三年，徙治涉之东南白马驿。熙宁五年，首入潞城县。元祐元年复。

平阳府，望。平阳郡，建雄军节度。本晋州，政和六年，升为府。崇宁户七万五千九百八，口一十八万三千二百五十四。贡蜜、蜡烛。县十：临汾，望。洪洞，紧。襄陵，紧。熙宁五年，废慈州乡宁县分隶焉。有雕掌、豹尾二寨。神山，上。有韩买、安国、史壁、叠头关等堡。赵城，上。熙宁五年，省为镇隶洪洞。元丰三年复为县。汾西，中。有厚裔、青岸、石桥、青山、边柏五寨。霍邑，中。冀氏，中。有府城、永兴二寨，陶川、白练、当谷、横巖四堡。岳阳，中下。和川。中下。太平兴国六年，废沁州，以县来属。熙宁五年，省为镇入冀氏。元祐元年复为县。务二：炼矾、矾山。

庆祚军。政和三年，以赵城造父始封之地升为军，以军事领之。

绛州，雄，绛郡，防御。崇宁户五万九千九百三，口九万四千二

百三十七。贡防风、蜡烛、墨。县七：正平，望。曲沃，望。大平，望。熙宁五年，废慈州，以乡宁县分隶太平、稷山。翼城，上。稷山，中。绛，中。有中山、花崖、华山三寨。垣曲。下有铜钱一监。

泽州，上，高平郡。崇宁户四万四千一百三十三，口九万一千八百五十二。贡白石英、禹余粮、人参。县六：晋城，紧。高平，上。阳城，上。端氏，中。陵川，中。沁水，中下。关一：雄定。旧天井关，属晋城县。靖康元年改今名。

代州，上，雁门郡，防御。景德二年，废唐林县。旧置沿边安抚司。崇宁户三万三千二百五十八，口一十五万九千八百五十七。贡麝香、青、碌。县四：雁门，中下。有西陉、胡谷，雁门三寨。崞，中下。有楼板、阳武、石峡、土登四寨。五台，中下。繁峙。下。有繁峙、茹越、大石、义兴冶、宝兴军、瓶形、梅回、麻谷八寨。

忻州，下，定襄郡，团练。崇宁户一万八千一百八十六，口四万二千二百三十二。贡解玉砂、麝。县二：秀容，紧。熙宁五年，省定襄入焉。元祐元年，定襄复为县。有石岭关、忻口、云内、徒合四寨。定襄。中下。

汾州，望，西河郡，军事。崇宁户五万一千六百九十七，口一十八万五千六百九十八。贡土绳、石膏。县五：西河，望。有永利西监。平遥，望。介休，上。灵石，中。有阳凉南关、阳凉北关。孝义。上。太平兴国元年，改为中阳，后复为孝义。熙宁五年，省为镇入介休。元祐元年复。

辽州，下，乐平郡。熙宁七年州废，省平城、和顺二县为镇，入辽山县，隶平定军；省榆社县为镇，入威胜军武乡县。元丰八年，复置州，县镇并复来隶。元祐元年，复置和顺、榆社、平城县。崇宁户七千三百一十五。贡人参。县四：辽山，下。有黄泽寨。和顺，下。榆社，中下。平城。中。

宪州，中，汾源郡，军事。初治楼烦，咸平五年，移治静乐军、县，遂废军，又废楼烦改隶岚州。熙宁三年，废宪州，以静乐县隶岚州。十年，复宪州，仍领静乐县。政和五年，赐郡名。崇宁户二千七百二十二，口七千四百四十四。贡麝香。县一：静乐。中。咸平五年，废天池、玄池二县入焉。

岚州，下，楼烦郡，军事。太平兴国五年，以岚谷隶岢岚军。崇宁户一万三千二百六十九，口六万六千二百二十四。贡麝香。县三：宜芳，中。有飞鸢堡。合河，中下。有乳浪寨。楼烦。下。咸平五年，自宪州来隶。

石州，下，昌化郡，军事。旧带岚、石、隰三州都巡检使。元丰五年，置葭芦、吴堡二寨，隶州，因置二寨沿边都巡检使，遂令三州各带沿边都巡检使。初领县五，元符二年，升葭芦寨为晋宁军，以州之临泉县隶焉。大观三年，复以定胡县隶晋宁军。崇宁户一万五千八百九，口七万二千九百二十九。贡蜜、蜡。县三：离石，中。平夷，中。有伏落津寨。方山。下。

隰州，下，大宁郡，团练。熙宁五年，废慈州，以吉乡县隶州，即县治置吉乡军使，仍省文城县为镇，隶焉。元祐元年，复慈州。七年，以州之上平、永宁两关府逼西界，以州为次边。崇宁户三万八千二百八十四，口一十三万八千四百三十九。贡蜜、蜡。县六：隰川，上。温泉，上。有碌碌一务，水头、白壁、先锋三寨。蒲，中。大宁，中。石楼，中。有上平、永宁二寨。永和。中。

慈州，下，团练。旧领吉乡、文城、乡宁三县。熙宁五年废州，以吉乡隶隰州，即县治置吉乡军使，仍省文城为镇，隶焉。又以乡宁隶晋州襄陵县。元祐元年，复吉乡军为慈州。户口阙。县一：吉乡。中。

麟州，下，新秦郡。乾德初，移治吴儿堡。五年，升建宁军节度。端拱初，改镇西军节度。崇宁户三千四百八十二，口八千六百八十四。贡柴胡。县一：新秦。上。政和四年，废银城、连谷二县入焉。有神堂、静羌二寨，惠宁、镇川，二堡银城有屈野川，五原塞，银城、神木、建宁三寨，肃定、神木、通津、阌干四堡，连谷有屈野川、横阳堡。大和寨，地名大和谷，元符二年进筑，赐名。东至神木寨五十五里，南至弥川寨三十里，西至饶咩浪界壕七十里，北至清水谷二十里。大和堡。地名麻儿娘，元符二年进筑，赐名。东至肃定堡界二十五里，南到清水谷二十里，西至松木骨堆界六十五里，北至银城寨二十五里。

府州，中，靖康军节度。本永安军。崇宁元年，改军额。政和五

年，赐郡名曰荣河。旧置麟府路军马司。以太原府代州路钤辖领之。崇宁户一千二百四十二，口三千一百八十五。贡甘草。县一：府谷。下。有安丰、宁府、百胜三寨，河滨、斥堠、靖安、西安四堡。宁川堡，府州安丰寨外第九寨，元符元年赐名。东至斥堠堡三十五里，南至安丰寨界四十五里，西至丰州宁丰宁寨四十里，北至青没怒川界堠一百五十里。宁边寨，地名端正平，元符二年进筑，赐今名。东至宁府寨界三十里，南至靖化堡界三十里，西至吴庞烽一十五里，北至保宁寨界三十里。宁疆堡，宣和六年，独移庄岭建堡，赐名宁疆。震威城。宣和六年，铁炉骨堆建寨，赐名。

丰州，下。庆历元年，元昊攻陷州地。嘉祐七年，以府州罗泊川掌地复建为州。今军事。政和五年，赐郡名宁丰。崇宁户一百五十三，口四百一十一。贡甘草、柴胡。寨二：永安，保宁。

威胜军，同下州。太平兴国三年，于潞州铜鞮县乱柳石围中建为军。崇宁户一万九千九百六十二，口三万七千七百二十六。贡土缙。县四：铜鞮，中。太平兴国初，兴武乡自潞州来隶。武乡，上。熙宁七年废辽州，以榆社县为镇入焉。元丰八年，复置辽州，以榆社往隶。沁源。中下。太平兴国六年废沁州，以县来隶。绵上。中下。宝元二年，自大通监来隶。庆历六年，徙治军西北大觉寺地。

平定军，同下州。太平兴国二年，以镇州广阳寨建为军。四年，以并州平定、乐平二县来属。崇宁户九千三百六，口二万八千六百七。贡绢。县二：平定，中。唐广阳县，太平兴国四年改。有故井陘关、百井寨。乐平。中。有静阳寨。

岢岚军，同下州。太平兴国五年，以岚州岚谷县建为军。崇宁户二千九百一十七，口六千七百二十。贡绢。县一：岚谷。下。熙宁三年废，元丰六年复置。有永和、洪谷等六寨。

宁化军，同下州。崇宁户一千七百一十八，口三千八百二十一。贡绢。县一：宁化。熙宁三年废，元祐元年复；崇宁三年又废为镇。有西阳、脑子、细腰、窟谷四寨。

火山军，同下州。本岚州之地。太平兴国七年，建为军。治平四年，置火山县，四年，废之。崇宁户五千四十五，口九千四百八十

四。贡柴胡。寨一：下镇。火山军旧领雄勇、偏头、董家、横谷、桔槔，护水六寨。庆历初，置下镇寨。嘉祐六年，废偏头寨。熙宁元年，废桔槔寨。《元丰九域志》：领寨一。

保德军，同下州。淳化四年，析岚州地置定羌。景德元年改。崇宁户九百六十三，口四千五十。贡绢。津二。大堡、沙谷。

晋宁军，本西界葭芦寨。元丰五年，收复，六月并吴堡寨并隶石州。元祐四年，以葭芦寨赐西人。绍圣四年收复。元符二年以葭芦寨为晋宁军，割石州之临泉隶焉。知军领岚石路沿边安抚使，兼岚、石、隰州都巡检使。大观三年，复以石州定胡县来隶。东至克胡寨隔河五里，南至吴堡寨一百七十里，西至神泉寨二十五里，北至通秦寨二十里。领县二：定胡，中。旧领定胡、天浑津、吴堡三寨。按吴堡寨元丰四年收复，东至黄河，南至绥德军白草寨九十里，西至绥德军义合寨六十里，北至晋宁军一百七十里。临泉，中下。旧领克胡、葭芦二寨。按葭芦寨乃元丰五年收复，后为晋宁军。神泉寨，地名榆木川，在废葭芦寨北。元符元年赐今名。东至晋宁军二十五里，南至乌龙寨二十五里，西至隔祚岭界墩五十里，北至通秦寨四十里。三交堡，地名三交川岭。元符元年，神泉寨筑保毕工赐名。乌龙寨，元符二年，进筑赐名。东至神泉寨二十五里，南至暖泉寨二十里，西至暖泉寨三十里，北至女萌烽一十七里，通秦寨，地名升啰岭，元符二年赐今名。东至黄河二十九里，南至神泉寨四十二里，西至女萌骨堆界墩五十里，北至通秦堡一十七里。宁河寨，地名窟薛岭，元符二年赐名。东至黄河三十里，南至通秦堡一十七里，西至尹遇合一十三里，北至章保二十五里。弥川寨，地名弥勒川，元符二年赐名。东至黄河六十里，南至弥川堡十五里，西至寨浪骨堆界墩七十里，北至麟州大和寨三十里。通秦堡，地名精移堡，元符二年，同寨赐名。东至黄河一十七里一百二十步，南至通秦寨一十七里，西至龙移川界墩五十里，北至宁河寨一十一里。宁河堡，地名哥崖岭，元符二年同寨赐名。弥川堡，地名小红崖，元符二年南寨赐名。东至黄河四十里，南至宁河寨一十五里，西至祖平四十里，北至秦平堡一十里。靖川堡。东至黄河三十里，南至宁河寨十四里，西至界首立子谷四十五里，北至弥川堡一十三里。

河东路，盖《禹贡》冀、雍二州之域，而冀州为多。当黠、参之分。其地东际常山，西控党项，南尽晋、绛，北控云、朔，当太行之险地，有盐、铁之饶。其俗刚悍而朴直，勤农织之事业，寡桑柘而富麻苧。善治生，多藏蓄，其靳蓄尤甚。朔方、楼烦，马之所出，岁增贸市以充监牧之用。太宗平太原，虑其恃险，徙州治焉。然犹为重镇，屯精兵以控边部云。

宋史卷八七

志第四〇

地理三

陕 西

陕西路。庆历元年，分陕西沿边为秦凤、泾原、环庆、鄜延四路。熙宁五年，以熙河洮岷州、通远军为一，置马步军都总管、经略安抚使。又以熙、河五州军为一，通旧鄜延等五路，共三十四州军，后分永兴保安军、河中、陕府、商解同华耀虢鄜延丹坊环庆邠宁州为永兴军等路，转运使于永兴军、提点刑狱于河中府置司；凤翔府、秦阶陇凤成泾原渭熙河洮岷州、镇戎德顺通远军为秦凤等路，转运使于秦州、提点刑狱于凤翔府置司；仍以永兴、鄜延、环庆、秦凤、泾原、熙河分六路，各置经略、安抚司。

永兴军路。府二：京兆，河中。州十五：陕，延，同，华，耀，邠，鄜，解，庆，虢，商，宁，坊，丹，环。军一：保安。县八十三。其后延州、庆州改为府，又增银州、醴州及定边、绥德、清平、庆成四军。凡府四，州十五，军五，县九十。

京兆府，京兆郡，永兴军节度。本次府，大观元年升都督府。旧领永兴军路安抚使。宣和二年，诏永兴军守臣等衔不用军额，称京兆府。崇宁户二十三万四千六百九十九，口五十三万七千二百八十八，贡靴毡、蜡、席、酸枣仁、地骨皮。县十三：长安，次赤。樊川，次赤。

旧万年县，宣和七年改。雩，次畿。蓝田，次畿。咸阳，次畿。泾阳，次畿。栌阳，次畿。高阳，次畿。兴平，次畿。临潼，次畿。唐昭应县，大中祥符改。醴泉，次畿。武功，次畿。政和八年，同醴泉拨入醴州。乾祐。次畿。监二。熙宁四年置，铸铜钱；八年置，铸铁钱。

河中府，次府，河东郡，护国军节度。旧兼提举解州、庆成军兵马巡检事。大中祥符中。以荣河为庆成军。崇宁户七万二千九百六十四，口二十二万七千三十。贡五味子、龙骨。县七：河东，次赤。隋县。熙宁三年，省西河县，六年，省永寿县为镇入焉。临晋，次畿。猗氏，次畿。虞乡，次畿。万泉，次畿。龙门，次畿。元祐二年，置铸钱监二。荣河。次畿。旧隶庆成军，熙宁元年废，以荣河隶府，即县治置军使。

庆成军。见上。

解州，中，防御。崇宁户三万二千三百五十六，口一十一万三千三百二十一。贡盐花。县三：解，中。闻喜，望。安邑。紧。

陕州，大都督府，陕郡。太平兴国初，改保平军，旧兼提举商、虢州兵马巡检事。崇宁户四万七千八百六，口一十三万五千七百一。贡绸、绌、括篓根、柏子仁。县七：陕，中。熙宁六年，省硖石县为石壕镇入焉。平陆，上。夏，上。灵宝，上。熙宁四年，省湖城县入焉。芮城，中下。湖城，中下。元丰元年，复置县。阌乡。中下。太平兴国三年，自虢州与湖城二县来隶。监二。熙宁三年置，铸铜钱；八年置，铸铁钱。

商州，望，上洛郡，军事。崇宁户七万三千一百二十九，口一十六万二千五百三十四。贡麝香、枳壳实。县五：上洛，中。商洛，中下。洛南，中下。丰阳，中。上津。中下。

虢州，雄，虢郡，军事。崇宁户二万二千四百九十，口四万七千五百六十三。贡麝香、地骨皮、硃。县四：庐氏，中。熙宁二年，以西京伊阳县栾川治镇隶焉。虢略，中。唐弘农县。建隆初，改常农。至道三年，改今名。熙宁四年，省玉城县镇入焉。朱阳，中。乾德六年，废入常农，太平兴国七年，复置。栾川。元祐二年，以栾川治为镇，崇宁三年，改为县。

同州，望，冯翊郡，定国军节度。崇宁户八万一千一十一，口二十三万三千九百六十五。贡白茯苓、生熟乾地黄。县六：冯翊，紧。澄

城，紧。朝邑，紧。郃阳，上。熙宁四年，省夏阳县为镇入焉。白水，中。韩城，中。元祐二年，置铸钱监。监一：沙苑。

华州，望，华阴郡。建隆初，为镇国军节度。皇祐五年，改镇潼军节度。崇宁户九万四千七百五十，口二十六万九千三百八十四。贡茯苓、细辛、茯神。县五：郑，上。下邽，望。蒲城，望。唐奉先县。开宝四年改。建隆中，自京兆隶同州。天禧四年，自同州来隶。华阴，紧。渭南。上。熙宁六年，省为镇入郑。无丰元年，复为县。旧自京兆府来隶。监二。熙宁四年置，铸铜钱；八年置，铸铁钱。

耀州，紧，华原郡。开宝五年，为感义军节度。太平兴国初，改感德军。崇宁户一十万二千六百六十七，口三十四万七千五百三十五。贡瓷器。县六：华原，上。富平，望。三原，望。云阳，上。同官，上。美原，中。

清平军。本凤翔府周至县清平镇。大观元年，升为军，复置终南县，隶京兆府。清平军使兼和终南县，专管勾上清太平宫。县一：终南。

延安府，中，都督府，延安郡，彰武军节度。本延州。元祐四年，升为府。旧置鄜延路经略、安抚使，统延州鄜州丹州坊州、保安军，四州一军；其后增置绥德军，又置银州，凡五州二军。银州寻废。崇宁户五万九百二十六，口一十六万九千二百一十六。贡黄蜡、麝香。县七：肤施，中。熙宁五年，省丰林县为镇、金明县为寨并入焉。有金明龙安二寨、安塞一堡。元丰四年，又收复塞门寨。宣和二年，改龙安曰德安寨。延川，中。熙宁八年，省延水县为镇入焉。有丹头、绥平、怀宁、顺安、白草、永平六寨，安定、黑水二堡及永宁关。元丰四年收复，置细浮图、义合、米脂三寨。七年，以米脂、义合、浮图、怀宁、顺安、绥平六城寨隶德城。元符二年，废顺安、白草、丹头三头寨。延长，中。门山，中。临真，中。敷政，中。有招安、万安二寨。元符二年，废招安寨为驿。甘泉，中下。城二：治平四年，收复绥州。熙宁中，改为绥德城。四年，置罗兀城、抚宁宾草二堡，寻废。元丰五年，置永乐城，赐名银川寨，寻废。青涧城，元符二年，隶绥德城。绥德城。元符二年，改为军。监一。熙宁八年置，铸铁钱。塞门寨，延州北